



REPUBLIKA E SHQIPËRISË
ENTI RREGULLATOR I ENERGJISË

BORDI

VENDIM

Nr. 10, Datë 21.01.2022

MBI

ZGJATJEN E AFATIT TË VENDIMARRJES SË BORDIT TË ERE-S MBI KËRKESËN E SHOQËRISË “IRARBA ENERGJI” SH.P.K. PËR TRANSFERIMIN E ASETVEVE NË FAVOR TË BANKËS SË BASHKUAR TË SHQIPËRISË (UNITED BANK OF ALBANIA) SH.A.

Në mbështetje të nenit 16, të ligjit nr. 43/2015, “Për sektorin e energjisë elektrike”, të ndryshuar; nenit 67, të ligjit nr. 44/2015, “Kodi i Procedurave Administrative të Republikës së Shqipërisë; si dhe nenit 15, të Rregullores për organizimin, funksionimin dhe procedurat e ERE-s, miratuar me vendimin e bordit të Entit Rregullator të Energjisë (ERE) nr. 96, datë 17.06.2016; bordi i ERE-s, në mbledhjen e tij të datës 21.01.2022, mbasi shqyrtoi relacionin nr. 63 prot., datë 13.01.2022, dhe relacionin nr. 63/1, datë 18.01.2022, të përgatitur nga Drejtoria e Licencimit, Autorizimeve dhe Mbikqyrjes, “Mbi zgjatjen e afatit të vendimarrjes së Bordit të ERE-s mbi kërkesën e shoqërisë “IRARBA ENERGJI” sh.p.k. për transferimin e asetëve në favor të BANKËS SË BASHKUAR TË SHQIPËRISË (United Bank of Albania) sh.a.”,

Konstatohet se:

- Bordi i ERE-s, me vendimin nr. 225, datë 09.11.2021, vendosi të fillojë procedurën për shqyrtimin e kërkesës së shoqërisë “IRARBA ENERGJI” sh.p.k. për transferimin e asetëve të paluajtshme në favor të BANKËS SË BASHKUAR TË SHQIPËRISË (United Bank of Albania sh.a.).
- Në nenin 10, pika 2, të “Rregullores së procedurave të transferimit të asetëve nga të licencuarit”, miratuar me vendimin e bordit nr. 119, datë 21.07.2016, parashikohet si vijon:
 2. Në rast se dokumentacioni nuk është dërguar konform nenit 7, por është marrë vendim për fillimin e procedurave të shqyrtimit, afati i përcaktuar në pikën 1, të këtij neni do të fillojë nga dita e paraqitjes së plotë të dokumentacionit të kërkuar nga ERE. Nëse pas marrjes së vendimit informacioni nuk dërgohet brenda 2 muajve, atëherë vendimi për fillimin e procedurave e humbet fuqinë juridike dhe i licencuari do të paraqesë një kërkesë të re në ERE.

- ERE ka njoftuar shoqërinë për fillimin e procedurave për shqyrtimin e kërkesës së saj për transferimin e asetëve, me shkresën e datës 10.12.2021. Duke marrë në konsideratë kohën që i nevojitet postës, përlllogaritet që shoqëria të ketë marrë dajeni për vendimin më datë 12.12.2021.
- Referuar parashikimeve të “*Rregullores së procedurave të transferimit të asetëve nga të licencuarit*”, afati dy-mujor përfundon më datë 12.02.2022.
- Duke qenë se në dokumentacionin e depozituar nga subjekti nuk është e qartë natyra e marrëveshjes/marrëveshjeve me bankën mbi këtë transferim dhe me qëllim koordinimin e listës së asetëve që do të transferohen, duke marrë në konsideratë të gjitha afatet që nevojiten për vendosjen e komunikimit me shoqërinë apo zhvillimit të një seance dëgjimore për të sqaruar këtë dokumentacion, afatin për të njoftuar shoqërinë për seancën, afatin që i nevojitet shoqërisë për të plotësuar sa kërkuar, afatin për të shqyrtuar dokumentacionin që mund të depozitohet shoqëria, periudhën kohore që i nevojitet bordit të ERE-s për të shqyrtuar praktikën e më pas të shprehet, në mbështetje të nenit 67, të *Kodit të Procedurave Administrative të Republikës së Shqipërisë*, vlerësohet zgjatja e afatit të vendimmarrjes së Bordit të ERE-s për kërkesën e shoqërisë “IRARBA ENERGJI” sh.p.k., me 30 (tridhjetë) ditë pune, duke filluar ky afat nga data 12.02.2022.
- Brenda këtij afati do të saktësohet/qartësohet dokumentacioni me shoqërinë “IRARBA ENERGJI” sh.p.k., nëpërmjet zhvillimit të një seance të mundshme dëgjimore ose komunikimit shkresor nëse do të jetë e nevojshme në vijim të seancës dëgjimore.

Për gjithë sa më sipër, bordi i ERE-s,

Vendosi:

1. Të zgjasë me 30 (tridhjetë) ditë pune afatin e vendimmarrjes mbi kërkesën e shoqërisë “IRARBA ENERGJI” sh.p.k. për transferimin e asetëve në favor të BANKËS SË BASHKUAR TË SHQIPËRISË (United Banka of Albania) sh.a., duke filluar ky afat nga data 12.02.2022.
2. Drejtoria e Licencimit, Autorizimeve dhe Mbikqyrjes të njoftojë shoqërinë për vendimin e bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI
Petrit AHMETI